

甌

甄

洞

藁

紅顏洞藁卷之十

武昌吳國倫著

始安張鳴鳳校  
新安方尚贊

五言律詩一百二十一首

塞上曲六首

叱馬過幽州橫行北海頭朔風喧鷺鼓飛電激蛇矛  
奮臂千山震英聲百戰留天威揚萬里不必修封侯

其二

朝辭丹鳳闕暮指玉門關赴國男兒事誇胡談笑間  
一呼遮右地再鼓奪陰山肯使天驕子仍餘片甲還

其三

平生負俠骨所志在疆場不滅匈奴盡誰稱國士強  
九旌懸漢日萬騎蹀胡霜慷慨臨戎去寧辭隴阪長

其四

飲馬長城窟燒生牧勒川羌人吹笛過漢士枕戈眠  
戍久安鋒鏑歸遲忘歲年閨中婦已老猶寄擗衣篇

其五

飛將出龍城風高萬馬鳴長驅隴右絕一戰幕南平  
敢愛貪王力非邀拓地名捷書報天子封拜滿神

京

其六

疊鼓漢營開  
霜清畫角哀  
羽旗分日月  
龍劒吼風雷  
上谷徵兵至  
交河接戰回  
豈應邊燧色  
還過酒泉來

燕京遊俠二首

白向誰家子  
青樓大道過  
英聲三輔動  
俠氣五陵多  
生死憑交結  
恩讎起笑歌  
胡姬將進酒  
爲樂夜如何

其二

結客豪關內  
千金一擲空  
不憎屠狗賤  
偏許鬪雞雄  
易水歌聲變  
并州劒術工  
道傍輕薄子  
高義未應同  
喜熊元乘移居見就

饒舍長安市  
孤懷鬱未舒  
相依文苑客  
不異武昌居

唐書列傳卷之二十一  
酒盡宵連榻官貧日抱書憶歸心竝切南望各躊躇  
讀王元美比部詩

吳下王公子詞場蚤擅名逢時偏國士接武自家聲  
五夜青藜色千秋白雪情通家殊不偶攜手俟河清  
子與子相邀訪李千鱗比部

見說西曹社昂藏李大夫諸郎欣有托此道未應孤  
世已多詞客予今但酒徒古來同調者莫逆自窮途  
送熊元乘出守太倉二首

經年燕市侶日夕奉清言領郡一爲別驅車那可援  
鶯花停鄂渚竹馬遲吳門卻怪南歸夢先君到故園

其二

莫言通籍晚繫組卽專城佳麗東吳地艱危長吏情  
三沙滙海氣萬戶已兵聲努力紆籌策寧要臥治名  
送錢鳴叔赴江陰令

緩酌送君酒重歌遊子吟分符辭漢關鼓棹下江陰  
佳麗當年地誅求此日心令名行自見離思獨難任  
送張肖甫之滑縣令

君行爲茂宰猶復邇京華邑枕黃河曲山連魏郡斜  
鳴琴清案牘露冕問桑麻肯使循良傳徒爲漢吏誇  
人日寓直有懷

北極春初獻西清雪未消禁裏森七葉宮柳鬱千條  
視草晨趨直鳴珂晚退朝江南有嘉樹瞻望謝庭  
蓬

### 送徐生還楚

貂敝仍爲客鶯啼却送君  
可堪江上路遽向酒邊分  
行李度殘雪年華悲白雲  
章臺不可望郢調幾時聞  
送王時育侍御赴南都

白筆中朝使居然有父風

乃父亦御史

班移雙闕下帆入

大江東問戶兵戈盡乾坤感慨同  
向來孤憤切先疏  
未央宮

夜過梁公實比部言別

尊酒聊深夜兵戈獨此時艱危同爾病意氣亦吾私  
白髮閑居賦紅塵歸去詞嶺南千萬里何處寄相思

東宗考功子相

共有登臨約如君伏枕何川經愁裏悟玄草病中多  
南國滯鴻鴈西山空薜蘿相違能幾日落葉滿城阿

問徐子與病

萬里懷歸客秋深思轉哀孤雲憐伏枕叢菊負登臺  
詩老潘生鬢時危賈誼才中庭坐明月念爾獨徘徊

秋夜慰內病二首



就我長安邸其如病轉侵異鄉兒女淚薄宦歲時心  
攬鏡俱愁靨鳴絃亦苦音鹿門好偕隱何日遂抽簪

其二

中原多難後南國遠移居業已辭黷室寧忘挽鹿車  
糟糠殊不薄藥餌竟何如乍喜鄉書至泠然憶故廬  
冬夜千鱗子與攜酒見訪

家貧偏嗜酒好事孰如君竝馬衝寒過論詩坐夜分  
風塵存爾輩天地有斯文不盡飛揚色高歌向白雲  
郊行遲徐明叔不至

幾載紅塵裏青山馬上看偶能出北郭何異釋南冠

古塼村煙細長堤野色寒美人忽相失芳草路漫漫  
妙應寺方丈同嚴舍人叔姪夜酌

佛水青龍臥詞人白馬來靜疑天竺院高竝雨花臺  
松月清禪榻湖雲送客杯多情逢二阮永夜坐徘徊

碧雲寺二首

絕澗虹橋渡禪林鴈塔標法輪懸日月慧樹拂雲霄  
得句資狂飲談空縱懶朝貪看薜蘿色昏黑更鳴鑣

其二

行止終何意登臨亦有神龍宮縱幔合鹿苑御題新  
我欲憑空界誰能證化身移尊傲冰雪扶杖出風塵

噴玉泉

偶入布金地還看噴玉泉乍疑飛呪雨忽已度迷川  
絕壑松聲細空亭竹色偏寒生陰洞雪不敢恣留連

經華嚴廢寺

野寺經胡虜愁雲黯不開先朝存貝葉過客問香臺  
無復金人夢空傳白馬哀當時聞法鳥日夕尚飛來

訪露上人

沙門初謁梵蘭若更逢僧地僻疑西城詩成得上乘  
白雲寒覆鉢明月晝傳燈坐見菩提樹雙棲支遁鷹

霄川徐山人三首

有客茗溪上樓遲不記年向來能守黑老去更思玄  
地擬桃源僻名同栗里傳登高一舒嘯秋色五湖煙

其二

訪道三茅近藏身五柳多生涯甘問圃浮世任揚波  
雨後青藜杖風前白苧歌相逢有漁父把酒話煙蘿

其三

自有冷霞戀非關辟地深飛泉掛天目明月出湖心  
衣染蘭蓀色琴調山水音何當訪茗箬一語散塵襟

病中于鱗子與攜酒過訪

病起科頭夕交深抵掌時因君能載酒而我一題詩

意氣原非偶文章合在茲誰知青桂侶竝臥白雲司  
移疾得告劉子成魏順甫攜具過訪

多病遲供奉孤懷對法曹開尊新雨過岸幘夏雲高  
世事存欹枕鄉心切大刀歸與楚江上誰復反離騷

天津雨泊

謝病辭京輦東潮度海門暝陰連大漠秋氣颯中原  
雨黑蛟龍鬬風黃鶴雀喧停橈向洲渚卷幔失乾坤

登太白樓

謫仙去不返高閣散秋陰昏色分齊魯河流自古今  
當時一載酒長夜幾知音我亦清狂客重來抱膝吟

濟州南池

湧水侵階上危亭背郭開分荷移小艇取石坐深苔  
地迥秋陰合軒空海色來誰能共心賞懷古正徘徊  
飲毘陵白氏山池二首

迢遞延陵道淹留地上賢穴開疑禹鑿石亂豈秦鞭  
散帙藤蘿外飛觴橘柚前未須愁耳熱高枕聽流泉  
其二

雨後山衣合煙中水榭開落花當野席脩竹引深杯  
客有乘舟興予能著屐來醉看風日好疑自習池回  
過王敬美留贈

不忝王家李清揚白玉姿經傳韋氏業賦屬楚人辭  
物色難羣見風雲駿足馳論文夜未倦落月酒盈卮  
杭州值中秋劉水部邀飲城南水亭

別館依靈苑從君載酒過寒城下玉露一水倒銀河  
楚客清秋興吳兒子夜歌酒酣仍倚檻涼月散煙蘿  
泛西湖二首

地自東南勝湖兼水石奇迎船峯縹緲遶席樹參差  
得景狂難制臨流醉不辭輕雲涵夕照千頃一玻璃

其二

言攜花外酒更上水心亭月湧龍宮出雲依鷺渚停

波光浮大白山影落空青隔浦漁歌發銜杯肯厭聽

雨夜挽舟上七里灘

岸東灘聲咽沙兼石齒橫豈緣貪利涉亦復滯王程  
山雨夜逾急野燈時一明客星雲霧裏懷古不勝情  
過弋陽飲居明府宗豫齋中

策馬靈山外維舟弋水涯悲秋仍客路取醉卽吾家  
傲吏甘爲瓠仙郎已種花相逢惟一笑不敢道京華  
春日過明府二叔山館

地僻車塵絕雲深草閣開追隨歌楚調偃蹇愧玄才  
萬樹春陰合千峯雨色來酒酣真態出花底坐徘徊



酬魏順甫比部

昔客華陽館於君情頗親  
竭來青眼少自古白頭新  
倚劍悲離合將詩托隱淪  
相憐機事息同是漢陰人  
山中得徐子與王元美書

兵後書仍達別來情轉親  
故山私倦客仙署老詞臣  
縱飲寧無意論文卻有神  
武昌看柳色愁殺薊門春  
侍明府二叔暨諸兄弟湖上夜遊時予將北上  
故土真堪戀平湖雨乍收  
一醒池草夢何減竹林遊  
向月屢移席看天更倚樓  
莫辭長夜飲明發又離憂  
哀商中丞二首

胡虜縱橫日明公將相才夢猶懸馬革身已謝燕臺  
斗傍朱旗閃風吹素幔回梁書不復上楚些益堪哀

其二

北伐勅王略中興屬將權人皆痛耆舊天未厭腥膻  
罪重分憂日恩深望赦年當時諸部曲塞上泣風煙  
朱仙鎮謁岳武穆廟

一羽班師詔千鈞殉國身虛廊圖甲馬喬嶽領精神  
無復腥膻入惟應俎豆新興亡都逝水弔古滄盈巾  
病懷簡子與元美

爲問同心者何當慰索居微名甘偃蹇久客漸迂疎

萬態從高枕分陰有抱書豈無仙掌露消渴自相如

劉武庫方回見訪

偃蹇文園病艱危武庫才壯心俱倚劒時事可銜杯  
白雲郢中曲黃金薊北臺百年俱汨沒茲夕且徘徊

苦雨三首

燕京五日雨萬井色凄然實訝用爲海虛聞石補天  
堂連蜃極動榻竝鵲巢懸生事同漂泊那能問濟川  
其二

四塞玄雲暗三關潦雨平山川都改色鐘鼓欲無聲  
迅烈同鞭石迷茫異洗兵家家無壁立坐使旅魂驚

其三

狂飈驅石燕飛電迫行雲室抱甬羅窗郊虎鶴雀羣  
乾坤疑復合昏曉遂難分欲誦愁霖賦悲涼不可聞

秋夜二首

心與暮雲遠病知秋夜長攬衣坐風雨搔首易星霜  
苦好杯中物翻憎肘後方無須賦搖落兀兀自堪傷

其二

豈敢厭朝謁相將效陸沈秋風侵病骨暮雨亂愁心  
伏枕梧桐落拋書蟋蟀吟那能畏官長騎馬日追尋

志憂

野戰幾時息中原哭未休更堪妻子計猶爲俸錢留  
雨黑千門夕雲黃九塞秋亦知天不墜難釋杞人憂  
與蔡子木憲使論文後作此奉柬

交自忘年重情偏倒睫親千秋慙國士雙眼向時人  
對酒愁俱破論詩調轉新曼聲歌一曲未必似陽春  
同王戶曹弘度憩天寧寺

馬聞鐘入逢僧輟杖迎香臺紫竹色仙梵落松聲  
旋結逃禪社都忘住世情未須頻問偈坐久悟無生  
病中答丁生

何處來佳士將詩問索居風流元白下詞藻似黃初

酒熟長安市花明大液渠春深猶伏枕述作負應徐

詢王元美病二首

客有歸吳興無家祇自哀閨門一炬盡溟海萬艘來  
歲月攤書過形容伏枕摧誰能歌七發起爾醉燕臺

其二

爾自悲搖落應兼感滯留少年湘客賦多難杞人憂  
芳草歸前暮黃花病裏秋題書問王粲何日共登樓  
再訊元乘二首

不見吳門使遙知憤亂深江東別我後澤畔向誰吟  
殺氣迷滄海秋聲走綠林爲儒逢世難萬里各沾襟

其二

聞君已解印猶自滯論兵  
急難存公議蹉跎見宦情  
秋深雲夢澤天遠闔閭城  
亂後思家切應多白髮生  
送蘇明府赴東陽

昔我遊於越名山金薤多  
卽看茂宰至還似隱侯過  
官舍開蘭芷人家足稻禾  
春行西峴外駐馬聽絃歌  
得元乘書

已道還江縣猶然滯海門  
別來新鬼哭書至故人存  
萬死懸兵力孤忠藉主恩  
豈無排難意畏路不堪論  
暮秋感懷八首

草詔下西清燕山落照橫雲寒鴈不度月暗鵲初驚  
意氣非輕世文章敢近名可堪搖落後對酒百哀生

其二

秦京天府舊漢室露臺新一日朝廷計諸公社稷  
身未聞標赤幟猶見走黃巾豈敢窺羣策悲秋自楚  
人

其三

天王憂越寇使者發齊兵未報樓船捷翻憎擊技名  
三江俱濺血萬戶日吞聲雙眼乾坤隘誰堪問此生

其四



天語傳三殿兵威走百靈侍臣頌甘露飛將掃妖星  
此日心誰赤千秋史獨青災祥殊不定吾志在傳經

其五

畏路低眉過愁時抱膝吟聲名誰白壁膠漆自黃金  
却顧鸛棲態殊非少壯心君恩難可報何得遂抽簪

其六

將相交歡日應分聖主憂民勞過顏尼客策下焦  
頭鼓角嚴深夜山川慘暮秋當年賈生淚不爲感淹留

其七

胡海驚飛檄 朝廷議徙薪  
登臺圖驟裏 虛閣待麒麟  
急難徵兵遠 瘡痍轉餉頻  
共愁車馬地 歌管自平津

其八

戚里紛綵竹 侯家盛綺羅  
時艱民力盡 世賞國恩多  
馳道仍騷乘 嚴城向枕戈  
北風吹不歇 蕭瑟楚狂歌

贈王敬美新婚

不忝乘龍客 名家倚馬才  
片雲飛楚峽 雙鳳下秦臺

月避新粧出風搖雜珮來曲房春大早花燭徹明開  
夜飲湯給事懋昭宅

偶從青瑣下相對綠尊傾河漢流宮樹煙霜滿禁城  
深憂存虎諫起舞待雞鳴羣盜縱橫甚能忘故國情  
送茂泰二首

汝亦王門客交遊總藝林計緣婚嫁拙愁併亂離深  
曠蕩冥鴻思羈棲老驥心虞卿還入趙白璧重知音  
其二

間有歸與歎風塵滿簪冠路窮傾蓋少世亂卜居難  
過客邯鄲道離歌易水寒韓陵一片石灑淚共誰看

東子培

念爾經羣盜相逢意轉悲  
淚沾吳地盡書到薊門遲  
道路俱塵鞅風霜颯鬢絲  
無爲久鬱鬱已見四愁詩  
得徐職方明叔書

大寇何時解相傳苦未真  
淚中湖海信別後亂離人  
失計難言拙無家敢問貧  
中原漸多事後會恐風塵  
寄王時育侍御

憶在燕京陷人歌鮑氏驄  
同心交易定直道宦難工  
恩重賜環日名高請劍中  
南浮雙淚盡不爲世途窮  
省中有作簡張祠部復亨  
嚴侍御子俊

待漏銅龍盡含香金馬趨浮沈偏隱吏飢飽共侏儒  
彩筆風塵混紅顏日月驅獨憐知己在身世未應孤  
遣悶

萬事吾何有蕭然悶不除壯心橫一劍散髮坐羣書  
後死文安在浮生計獨疎誰應決江水旋起轍中魚  
得子相書

故人淮海臥念我未應疎一別經多難三年得報書  
無時厭戎馬何地覓樵漁尚有知音在金門更曳裾  
贈敬美秀才

不忝明公後人稱歆玉駒家聲韋少子經術魯諸儒

海嶽看殊格風雲起壯圖聽予歌白雪不謂楚狂夫  
病中寄于鱗

憶自孤城別思君夢屢違壯心銷藥裏歸計滯戎衣  
閉戶風雲過裁書雨雪飛未應吾道拙其奈世情微  
伯倫過訪

賴汝憐幽獨常能騎馬來歲時堪旅病文字豈吾才  
雪後鶯初度春深花未開卽看今日事那可不深杯  
答于鱗

郡城偏汝臥未惜大名遲結客黃金少懷人白日馳  
壯心堪百折吾道屬羣疑卽有文園病難令狗監知

高伯宗至

音書久斷絕把手益堪哀  
盜已中原滿君還何處來  
紅顏看易擲青眼乍應開  
欲問江鄉事能無廢酒杯  
除夕

歲盡殊蕭瑟呼醪欲放醺  
未堪愁入夜已是病經春  
蘭臭當誰共椒盤與俗親  
燭花閒徹曙應笑倦遊人  
寄徐立之給事時宅愛里中

雙淚辭青瑣孤雲臥碧山  
絨書隔歲至戀闕幾時還  
江表兵戈裏浮名玉石間  
故園憂不解寧獨世途艱

寄趙汝脩

白屋論文日如君技獨精那知千古意不敵少年名  
對酒衡雲色懷人湘水情眼中誰識玉趙氏有連城

寄莊則勸

莊生何自苦寂寞著南華定有知音在無爲抱玉嗟  
大江流日月孤館闢雲霞却憶乘舟興常能醉汝家

寄劉仲將

別憶三湘遠愁經萬事違寸心寧自折尺素未應稀  
漢室方開閣董生仍下幃看君憂世切肯戀薜蘿衣

寄朱懋之

汝仍棲舊業燈火閉門深盛代求賢詔平生仗策心



風雲變寶劍岐路一瑤琴別後看芳樹相思漫不禁

子培夜過得遊字

多病成予嬾高齋向夕幽畏人疎著作得爾慰窮愁  
未息三江戰難期五嶽遊此生俱不定含淚幾時收

贈御醫高整

整嘗以醫術諫

武廟南巡

上苑懸壺客先朝諫獵臣名應藏藥裏血欲濺車塵  
萬死投荒路重來戀闕身主恩今不薄那得憶鱗

尊

夜過子相得聲字

不厭頻相過徘徊待月明城雲將暝色宮鳥息春聲

偃蹇看交態蹉跎見吏情風塵聊對酒天地正論兵  
同元美子相席上各賦一物得櫓

嘉實垂南國何從薦玉盤已堪蘭臭竝不數蔗漿寒  
消渴心初慰風霜色更丹何人憐楚頌常憶故園看  
陳太孺人加恩其子汝諧侍御出按嶺南便道

還西粵省觀

俄聞簪筆吏奉 詔出明光使節通南服 君恩到  
北堂嶺雲紛避馬庭草豔稱觴爲問牽輿樂何如崔  
太常

示戴子芳余文卿二生

詹重刊  
卷之一  
二  
三  
駸麟吾何惜縱橫爾輩才無論一日長難使寸陰回  
碣石鄒陽館黃金郭隗臺還應策高足豈卽歎無媒

簡元美

生不逢元美誰其識楚狂浮名皆鼠腹末路轉羊腸  
萬態吾何損千秋爾更强未須憐弱羽已自倦飛揚

簡子相

文章千古事不向世情看飢飽從囊粟飛聶各羽翰  
衆中結襪易身後執鞭難爾若疑山水朱絃何處彈  
春日郊外小飲

出郭知春事芳菲野望通聞鶯過杜曲下馬醉新豐

花氣流新雨杯光盪遠空習池歸未得乘興亦山公

閨中賞芍藥

御氣通薇省春陰覆藥欄豔窺羣鳥下香逼五雲寒  
不厭移尊賞真疑在野看張衡久中秘對此亦能歡

元美宅對花

當階種紅藥春盡發華姿物理看如此爲歡勿過時  
度香風滴滴分影日垂垂豈識遊園興翻成攬鏡悲  
乙卯五月五日生子命名阿端小字無忌喜賦

二詩

行年三十二抱子未全遲豈有吞蒲瑞偏逢插艾期

貧家旋脫紫弱臂強勝絲風俗憎齊戶而翁總下疑  
五日子謂長與戶齊不利父母蓋忌之也語在孟嘗君傳予故反之曰無忌云

其二

吾已慚燕駿爾寧千里駒狂呼洗兒酒親繫辟兵符  
英骨殊難定愁心乍欲無故園兄弟隔誰爲報將雛  
張氏園亭同德甫子相元美宴集五首

文章非客計衣馬役吾形忽對名園色能令病日醒  
天垂片石紫池闊萬松青莫作他鄉歎乾坤總泛萍  
其二

朝市有茲境逶迤堪辟人一樽開茂樹羣客倒綸巾

暫破風塵涕難謀兵革身廼知灌園叟心迹總沈淪

其三

夕露垂巖樹晴虹跨石梁山光忽隱見吾意俱飛揚  
醉月蒲萄酒凌風薜荔裳客能聽鳳曲三歎楚人狂

其四

物色此亭抱塵踪一逕分牋移松頂月衣染石心雲  
坐會鴻蒙意行堪鹿豕羣誰應歌古調夏木起南薰

其五

樓臺舊選地碣石新談天我輩無長夜人間有少年  
狂能倚樹飲醉欲藉苔眠不去非投轄清光殊可憐

送孫子升下第南還

匹馬塞雲飛離尊駐夕暉  
醉題黃鵠賦愁擁黑貂歸  
世事堪浮海生涯且釣磯  
無將卞和淚容易濕征衣

贈陸之裘

爾傍王生久相看故舊偏壯心  
羣盜折佳句衆人傳  
被褐至今日請纓非少年  
總能成遇合吾道已堪憐

雙桂軒爲新安友人程汝正題

謝庭雙桂樹鬱鬱自爲林  
已奪三槐勝猶餘五柳陰  
氣隨蟾影漸香入露華深  
不結淮南社誰知招隱心

甌甌洞葉卷之十終

甌甌洞藁卷之十一

武昌吳國倫著

始安張鳴鳳校  
新安方尚賡

五言律詩一百一十九首

重過張氏園五首

野性堪何適清尊此復開  
所經花歷亂依舊石崔嵬  
繫馬塵氛遠披襟風雨來  
昔遊曾幾日流景重徘徊

其二

愛此雲門僻重攜酒伴過  
逢迎吾意嬾休沐主恩  
多雨後荒蒲柳秋先到  
薜蘿細看園裏色那得不  
高歌



其三

勝地還能到登臨見客懷  
水侵曾坐石苔蝕舊題厓  
萬竹鳴寒雨孤亭破夕霾  
茫茫一宇宙誰得問吾儕

其四

石門寒乳雪山閣暮標霞  
總爲耽形勝翻成感物華  
談兵白羽扇醒酒綠沈瓜  
此會聊能續吾生未有涯

其五

團扇秋期近絺衣露氣寒  
松聲吼碣石桐影滴闌干  
纖月搔頭出長天鼓腹看  
千秋狂自見萬事醉能拚  
有感示子相元美

歸路仍羣盜生涯僅此身興來能就汝事去肯因人  
白刃無先後黃金自鬼神壯心銷欲盡祇是未同塵  
聞同年王錢二令尹相繼死賊中作此哀之

湖海紛羣盜 朝廷失此賢旄頭終衛漢七首不歸  
燕時命七哀裏聲名百戰前亂離諸父老無處泣風  
煙 右王常熟鉄燕人

急難千夫長淹留百里才未論吾道拙已是壯心摧  
血鼓江濤立魂先楚賦來延陵掛劒者不獨爲君哀  
右錢江陰錚楚人

夜過子相酌中大雨

君家堪取醉昏黑又相過蟲語張燈亂秋陰入戶多  
深杯送雷雨長劒倚天河勿復悲難旦陽春爲爾歌  
子相席上贈別張肖甫得書字

盡日持螯飲長愁見面踈君今從此逝吾意復何如  
握手千金贈關心萬里書不須歌蜀道中夜獨躊躇

病酬子相見訊

忽枉山濤札能憐中散狂秋聲高枕盡客夜攬衣長  
衰職何曾闕纓冠未可忘病軀非我有那得慎風霜  
伯宗子相過訪予病

萬事堪予臥頻來見爾私北風吹竝馬深雪擁題詩

病益清尊妬窮兼白髮欺豈應流水曲不遺故人知  
病中東元美

慘澹長安陌見君那可稀道途知驥病風雨妬鴻飛  
紫菊殘欹枕清笳落掩扉祇應車馬絕不道酒尊違  
肖甫見訪

憶昔論交日相看各少年寸心仍海嶽雙鬢逐風煙  
世事窮俱失文章病欲捐無將千古意祇作衆人傳  
德甫過訪

歲月吾能病兵戈侶漸疎秋風悲宋玉仙掌臥相如  
不忝稱知己頻勞問著書席門三尺雪僮僕爲君除

卷之十一  
三  
奉寄朱宗伯二首

禮樂周宗伯文章楚大夫平生自山嶽此意遂江湖  
聽履恩非薄投珠意已孤猶餘狂簡在不必歎乘桴  
其二

此日應求舊蒲輪在上方白公歸赤舄斯道有滄浪  
蘭茝湘君珮芙蓉楚客裳普天仍帶甲高臥獨能忘  
徐子與將至先賦一詩遲之

八月探南使苕溪已放舟清尊停計日白髮長經秋  
水落淮陽路天寒薊北樓呼兒先下榻早晚慰離憂  
月夜對雪有感

寒雪擁高天空庭坐自憐白雲飛不去明月照相鮮  
濟世寧儒術微官僅酒錢萬方憂戰伐寂寞采薇篇  
熊元乘稍遷姑蘇郡丞屯兵海上寄懷二首

悵憶吳門別三秋掩淚過功名成放逐身世老兵戈  
推食君恩遠臨戎將令多於君未永訣萬一有饒  
歌

其二

與爾俱懷土時艱各一隅風塵沙苑馬日夜武昌魚  
見面寧無地吞聲更此書旌旗不可望毛髮近何如  
和沈禹文參軍署中聞鶯作

寥落參軍署疎松面禁城長安俱馬跡高館獨鶯聲  
忽起傷春思逾醒對酒情憐渠持繡羽不雜夜烏鳴

劉方回自武昌至中山走書見報

客有窮途病君從故國來風塵幾日盡懷抱一書開  
強起扶藜杖相逢判酒杯中山殊不遠茲夕轉徘徊

冬日卽事有感四首

時楊仲芳員外  
坐勅嚴相誅

只怪千人廢其如萬態新  
朝廷無指鹿湖海有批鱗  
旅食燕京陌吾家漢水濱  
中原限戎馬何自問垂綸

其二

十月咸陽市霜飛朔氣深高天寒請劍落日慘援琴  
敢有臨河歎彌堅蹈海心小臣何足惜行路爲沾襟  
其三

殺氣高難散妖氛黯不收天心憑一祝國步在僉謀  
各有豺狼畏非無燕雀憂不知郿塢積曾殉北邙丘  
其四

九錫恩逾厚三章法漸新人皆危就日我亦畏看春  
景物千秋淚衣冠萬死身何當謝塵網高枕漢江濱  
輓程汝濂參軍

識汝浮湘後蹉跎各歲年彈冠曾幾月俛首遂重泉



客計憂生盡朋情托死偏千金求駿骨空復下幽燕

元日早朝導駕

萬象簇春旂千官擁曙扉青陽迴日馭紫氣燭天衣  
城雪寒初霽宮雲暖尚微幾人霄漢裏親見六龍飛

傷春四首

偶爾看雲物居然感歲華異鄉傳柏葉逢客問梅花  
此道貧何病浮生醉是涯乾坤漸搖蕩那得歎無家

其二

倉卒西來疏名山半陸沈求言天變緩收骨帝恩  
深國豈無長策人今有遠心道傍諸惡少猶自結黃

金

其三

社稷勞 明主宵衣在桂宮  
流離仍萬姓侍從有羣  
公此日天難問千秋路不窮  
傳經吾亦嬾湖海任冥鴻

其四

野雪吹仍急驚風息未安  
窮來增傲骨病起厭儒冠  
萬事論難定羣愁醉亦拚  
可憐吾舌在徒使壯心寒

訪元美寺中因留宿

馬首青山合藤稍紺宇通  
法輪迴斗氣仙梵出松風

酒至諸魔散詩成萬象空上方今夜月能與故人同

寄思伯

聞汝遊江左歸來技益工感時曾仰屋念我或書空  
山水琴心遠風雲翰藻雄羅浮千萬里何處挹冥鴻

被謫二首

素食寧容久丹心日以寒一言銷骨易羣態折腰難  
掖樹窺容鬢冥鴻惜羽翰江湖從此逝何自問長安

其二

春風殊黯澹逐客鬢如絲國事諸公在文章異代悲  
向來何駿骨此去但鴟皮不灑窮途淚還能適九夷

謫後答元美

去國寧無罪還家遂有期  
念當乖羽翼恐亦繫安危  
名豈書生有官非聖主移  
古來薄命婦不自悔蛾眉

東黃亭夫給事

落魄無勞歎惟慚負聖明  
小臣宜得罪古道不成名  
爾去招梅福予歸弔屈平  
向來鷹隼意敢復向人鳴

馮駕部汝言所同李伯承  
劉方回栗道甫言別飄零  
暮何適且醉君家堂風雨  
過彈劒星河落舉觴

朋情深去住吾計拙行藏莫作江淹賦魂今返故鄉

### 風雨

風雨來何驟乾坤迴自愁看春殊未已一夜薊門秋  
馬首黃雲立天邊紫氣收何人虛按劒白壁不曾投  
初發潞河

萬里浮湘去扁舟莫滯澤青雲燕市隔白日潞河陰  
已盡憂天淚非無戀闕心何人問三宿吾意久浮沈  
泊獨流河

萬里南浮客愁心與逝波地將燕趙盡天入鼓鼙多  
急榜驚鷗鷺深村掩薜蘿片帆何處落風雨獨流河

舟夜酌惟敬

路難君不見昏黑過滄洲  
賴有王猷興慚非郭泰舟  
樹翻明月上天坼大河流  
莫畏樽中盡猶能解敝裘

董生祠

萬木廣川村蕭蕭古殿存  
高粱蟠海氣殘碣臥雲根  
日月黃河逝文章漢代尊  
卽看荒草色猶似未窺園

狼口阻風同惟敬作

無多瀛海路幾日滯南風  
岸轉羊腸曲潮迎鷁首窮  
歸期天浩蕩羈思雨冥濛  
倚棹歌難發清樽賴爾同

臨清胡倉曹招飲分署池亭

地已風塵僻亭當海岱餘深松留繫馬曲檻倚看魚  
落日千花暝涼雲一榻虛那知仙吏署亦似野人居  
同子與散步河上

野岸停孤棹因君慰寂寥微吟楊柳出散步海天遙  
沙氣蒸新暑風聲折晚潮不須憐去國恐使客魂銷  
同子與惟敬飲于鱗郡齋

駐馬濁河邊高齋雨色懸先拚十日飲歸嘯五湖煙  
傲吏終違世逢人敢問天吾曹一相失無事不堪憐  
夜酌濟河隄上

誰能嗟放逐頗不礙登臨掛席從風泊披衣藉草深

河流千樹杪月出大堤陰且進任城酒無爲梁甫吟  
席上贈朱邦憲還松江

萬里歸吳棹尊鱸秋欲殘美名詩律就狂態酒杯看  
贈汝惟蘭佩還家且簪冠但愁分鷁首烽色大江寒  
將別子與作

我自哀羣盜君猶繫老親艱難分道路生死定風塵  
一片論心地千秋去國身中原二三子何處不傷神

徐州卽事

已作投荒去仍成避亂行烽煙照淮海雷雨暗彭城  
帝澤深推轂時才競請纓稍聞開幕府日晏坐談兵



卷二十一  
九  
淮河候舟

此行心屢折，騎馬問津還。  
只尺符離道，迷茫淮水間。  
浪中寒白日，樹底暮青山。  
一片風帆影，飄飄不可攀。

山行

取道瀟山邑，看雲皖伯臺。  
千峯銜馬過，片雨駕虹來。  
登覽從吾好，迂踈豈吏才。  
還丹如可問，未惜羽毛摧。

太湖縣作

青山看不盡，落日太湖陰。  
雨氣寒帷合，巒光按轡深。  
孤城懸複磴，空館入樵林。  
漸長雲霞癖，殊忘道路心。

憩小池驛

乍喜鄉音近翻愁驛騎催路盤千樹杪亭闌萬山隈  
展簾飛寒瀑憑軒送晚雷誰當共卮酒一望射蛟臺

抵家

故里三秋色明時一逐臣可憐搖落候猶保亂離身  
有酒兄相慰無家婦頗嗔如何歸夢破茲夕轉傷神

中秋夜同劉仲將張子元北橋對月

豈意中秋月猶能故里看照城烏尾錯落浦鴈聲寒  
橋水分天鏡河陰渺露盤強扶衰謝色樽酒一交歡

莊則勸朱懋之過訪留宿

故人同問訊亦復慰離憂歲月裘俱敝風塵壁未投

雙樽開落日一榻下深秋欲盡平生語星河黯不流  
同仲將夜飲趙汝脩宅

夙昔同心者浮沈奈爾何樽前仍故態病後亦狂歌  
意漸輕軒冕詩應滿薜蘿相將從二妙湖上理煙蓑  
登赤壁有感

風流蘇學士所志癖登臨赤壁維荆楚滄江見古今  
石懸官閣外帆迫女墻陰尚有垂竿者能知戀闕心  
宿豐安寺

古寺藏幽壑征車此暫停寒燈移傍佛永夜臥聽經  
滿地逢如幻窮途哭乍醒明將折腰去恐復負山靈

同伯宗侯所夜集

帝孫殊好事坐我白雲中醴未緣人設詩偏對客工  
苑花明落照庭葉下西風醉問千秋月梁園此夜同  
九日同伯招飲

佳賞誰應共多君折簡頻却憐蓬鬢色又與菊華新  
綺席濃歌態雕梁淨舞塵翻憎行酒者不是白衣人  
對月

一片章門月偏傷楚客情秋深蟾欲澹宵永鵲頻驚  
河漢攬衣色關山橫笛聲長安天共遠何處望金莖  
樹德宗侯所對菊

唐詩注卷之二  
入戶千株菊無株不可憐露枝分側帽風葉巧當筵  
晚色羣芳避秋陰此地偏落英飡不盡蕭瑟楚臣篇

戲答陸南昌子韶

未厭江州謫行吟亦壯哉濤聲鏤柱觀秋色豫章臺  
閉戶丹楓落拋書紫菊開敝貂堪貰酒無遣白衣來  
用晦池亭夜遊二首

豈意江州謫還同鄴下招也華秋歷亂籬菊暮蕭條  
取月當蘿壁移雲度石橋非君愛狂客鸚鵡向誰驕

其二

進艇蘭池曲行厨竹逕深杯中倒河漢鏡裏坐秋陰

一砂論文癖彌堅好客心夜長不知倦涼露清衣襟  
寄黎惟敬

憶在黃河別秋風動鼓鼙側身天轉隘分手路俱迷  
爾竟之南海予難遂武溪豈無彭蠡鴈尺素不能題  
涂侍御招飲覽勝樓

避人江閣好玩世酒杯深席擁山雲白帆吹浦日陰  
物情生感慨天意縱登臨獨有章門月能知魏闕心  
尊賜樓爲子材宗侯題

帝子新承寵爲樓擬望京風雲街玉冊日月麗丹楹  
層壁藏書意河間好禮名那知金紫客只似一儒生

李實夫郎中見過

偃蹇章城臥猶逢李實夫相看豈軒冕吾道自江湖  
逕僻人稀到官貧酒旋沽知予歸思切不獨憶尊醪  
小至夜作

頻年逢小至候曉謁明光一自辭青瑣猶能想玉牀  
名微避湖海髮短向風霜歲晏羣愁起非關此夜長  
白鹿洞二首

斜日照巖扉攜壺坐釣磯水街千石漱雲挾衆山飛  
豈復悲漂泊翻能識是非斐然二三子從汝詠而歸

其二

古壁凌空削寒雲匝地生亭延五老色杯倒萬松聲  
白鹿不知處青山空復情予將掩關臥羣象未須驚

登六合亭

李獻吉建

六合題詩者斯人亦壯哉文章寧負汝泉石僅憐才  
瀑布垂天落湖波轉雪來登高欲舒嘯風急萬山哀

宿白鹿洞

躡屐非無興其如落日何名山私傲吏世路辟狂歌  
竹色杯中滿泉聲枕上多蒼崖萬餘仞曙起更堪磨

懶病

懶病元相藉柴門晝一開風吹五老墮雪擁大湖來



龍飛引卷之二  
末路拚兵革流年仗酒杯予寧忘世者海內自羣才

夜集

不有杯中物其如萬態何浮雲雙眼盡明月此亭多  
選地移初席分曹出豔歌主人終夜興平樂未應過  
贈鄒少南

二十遊燕趙歸來更壯年著書三逕裏被褐五峯前  
傲挾風雷嘯酣隨鹿豕眠不因逢漢使巖下復誰傳  
春日渡彭蠡

湖上春雲薄孤槎天際來濤驅千嶂雪氣激九江雷  
席影縱橫度山光隱見開如聞湘女瑟此地更堪哀

贈王艾甫定甫兄弟

君家雙玉樹不忝豫章材北斗窺書牖西山到酒杯  
青雲仍少壯彩筆競崔嵬贈汝雌雄劍逢人莫漫開  
雪後郊行

竝馬衝殘雪蕭然客思新樹經花旖旎山轉玉嶙峋  
短髮偏驚歲荒郊亦問春獨憐三逕裏猶是折腰人  
送朱文學赴剡令

數載甘微祿諸生擁帳看祗今仍領縣未復負彈冠  
雙鳥漢庭下孤槎剡水寒如君能製錦勿謂世途難  
除夕四懷

何言傷棄擲朝野竝多艱此夜江湖夢當時供奉班  
天寒彭蠡澤雪滿玉京山萬里椒難頌君恩曾賜  
環

其二

此夕那能曙空山亦有春如何佳節酒不醉故園人  
淚已攀荆盡愁仍夢草頻却憐蓬鬢色明日爲誰新

其三

七子酣歌處風濤漭見侵中原數行淚此夜百年心  
把酒山河迴傳書雨雪深春光勿相媚吾道各浮沈

其四

帝子章江閣題詩興更賒如來客梁苑不比傳長沙  
一別關星象孤樽遣歲華東風入夜發芳草遍天涯  
人日李實夫郎中署看梅

旅館亦人口梅花開傍君寒先百卉破春後七莢分  
斂態當殘雪流香度白雲人間剪綵者刀尺自紛紛

龍潭

潭在間先寺  
西雙劍峯下

馬首丹峯立雲心蠟屐迴峽深霾日月湍急吼風雷  
客有探珠至僧能洗鉢來只疑龍已去雙劍倚天開

柴桑

立馬柴桑里踟躕叩隱淪村荒但松菊地僻少風塵

山水題詩意乾坤嗜酒人吾當老廬阜應卜爾爲隣  
萬杉寺

萬木紆山徑羣峯到法門客來探色相僧定出乾坤  
古屋藤蘿蔭陰崖虎豹蹲無爲感陵谷幽獨易銷魂  
東林寺期桑侍御不至

折簡招玄度衝泥叩遠公雨摧廬嶽墜溪抱寺門空  
剔蘚探殘碣披雲禮梵宮豈應三笑處不與昔時同  
登天池四首

百折廬山路春陰渺不分地晴仍積雪峯轉更層雲  
短笺緣空度踈鐘隔樹聞逢僧問絕頂香氣正氤氲

其二

聞有上方勝乘春遠叩關雲霞標古屋日月鏡空山  
菩薩牽枝出仙人馭鹿還不妨予載酒一醉斗牛間

其三

誰爲開靈竅毫光忽有無雙星割吳楚一髮引江湖  
地迴輪音淨天空塔影孤風塵還此隙趺坐卽毘盧

其四

尺寸天池境諸方或未如雨花浮遠近雲葉散空虛  
燭地蟾蜍石行天鸚鵡輿不須飛錫杖吾已臥匡廬

吳明府攜壺登山同鄒李二文學藉石而飲

客有盈樽酒攜當絕巘開風雷生大麓星宿滿香臺  
萬態看如幻羣峯坐欲摧涓涓九江水乍可一浮杯  
聞元美擢青州兵憲寄懷三首

聞道辭郎署提兵北海來可知戎馬地偏屬佩刀才  
岱嶽仍奇觀琅邪自古臺橫戈一以眺秋色不勝哀

其二

黑髮稱明使臨戎慷慨生坐揮雲鳥陣漸息鼓鼙聲  
詞賦寧憎命兵戈未損名從來報主意耿耿在長

纓

其三

故人多去國賤子復何之旅巖時時改微名處處疑  
星辰紛自照海嶽遂堪移莫怪楊朱子含哀向路岐

蘭丘精舍爲寇方伯題二首

卷石臨脩渚言諧靜者緣披衣坐茂樹抱甕激飛泉  
客至堪浮白亭虛異草玄能無戀松菊海內正烽煙

其二

向來耽野趣移病息風塵枕簟青山僻雲霞北谷親  
已甘留藥裹何意遣蒲輪但慰蒼生望無辭白髮新

宿依仁寺

何處非塵境茲方卽化城閣披雙樹起鐘度萬山鳴



一臥高僧榻殊忘拙宦情未須重證聖生滅總無名  
旅舍酌張羽王

我自南浮客憐君北學來相逢千古意只作一樽開  
江上徐生榻燕中郭隗臺壯心仍耿耿誰釋卞和哀  
贈羽王

爾昔遊諸貴論文一坐驚而今涉遠道非復少年行  
隻眼從人白羣居任獨清所希崇令德吾已畏詞名  
月夜泛彭蠡

煙波渺不極逐客在孤舟月擁雙湖落雲從五老浮  
魚龍哀楚笛星象著吳鉤魏闕今逾遠懸心空子牟

答王新甫督學

憶醉燕臺月相看萬古名須臾成落魄哽咽負平生  
豈敢論交態因之識世情惟應日持酒潦倒豫章行

新秋郊行

出郭惟吾適籃輿坐五峯野煙仍暑氣林雨乍秋容  
夢已鷓鴣遠遊偏鹿豕從不知巖下老曾遇漢時封

聞詔志感二首

忽聞三殿詔慟哭楚江臯仁愛天何意艱危主

獨勞功寧先爛額過欲緩吹毛尚喜宵衣處祥雲桂

館高

其二

萬里中朝使丹書灑淚傳 聖人能罪已逐客漫憂  
天殿闕微煙裊山河赤日前涓埃殊未竭憔悴獨堪  
憐

量移南康司理二首

聖主恩難測微官亦量移得書兒乍喜懷上婦仍悲  
嬾性堪湖海衰容且歲時試看垂翼鳥那得厭卑枝  
其二

吾豈如匏繫依然彭蠡濱 賜環恩不淺懷壁意難  
申小郡留遷客名山藉主人敢期宣室召朝野總風

塵

問樹德病

江城愁毒熱君病復何如  
黯澹牀頭劍支離肘後書  
問寧先廐馬憂豈及池魚  
同姓應如此無疑鬢益疎

時聞三殿  
災故詩及之

輓希舜宗侯

幾日江城醉憐君獨未休  
漸能工述作忽已謝交遊  
園僻仍歌榭池荒但釣舟  
西陵千樹色銅雀不禁秋

秋日阿端病絕復甦喜懼未已二首

生男苦不早況乃值多艱  
一病秋連夏微魂去復還

心仍縣漏刻骨幸免丘山乳力防猶淺何時可解顏

其二

骨肉驚相弔而翁且奈何醫憑三折股晷藉一揮戈  
忽爾啼聲出因之起色多宗枋如有幸祖德未應磨